



**JUDICIAL SYSTEM MONITORING PROGRAMME**  
**PROGRAMA DE MONITORIZAÇÃO DO SISTEMA JUDICIAL**

**Press Release**

*13 Desember 2006*

**TRIBUNAL DISTRIAL BAUCAU HAMONU SENTENSA TINAN SIA BA KAZU  
VIOLENSIA SEXSUAL.**

Iha loron 12 fulan Dezembro tinan 2006, Tribunal Distrital Baucau liu hosi Juiz panel hamonu sentensa ba arguido ho inisial MD ba kazu violensia sexual durante tinan sia iha prisaun. Numero prosesu ba kazu ne'e 86/ CRM.C / 2005 / TD.BCU.

Julgamentu ne'e diriji hosi Juiz painel Dra.Telma A. Figueiredo (Presidente), Dra.Ana Paula Fonseca (Membro) no Dra. Edite Palmira dos Reis(Membro) no mos iha julgamento ne'e akompanha hosi Procurador Internasional Dr. Flavio Lorza no mos arguido ho iniciais MD hetan assistensia legal hosi nia defensor Publiku Internasional Dr. Pedro Andrade.

Prosesu le'e sentensa ne'ebe mak halao iha momento ne'e loke ba publiku, ne'eduni ema hotu-hotu bele akompanha prosesu ne'e inklui representante JSMP hosi unidade Victim Support Service (VSS), Legal Team no mos hosi Women's Justice Unit (WJU) akompanha prosesu le'e sentensa to'o remata.

Juiza Dr.Ana Paula Fonseca mak le'e no esplika akordaun ne'e ho lian tetun hosi akordaun original ne'ebe ho lian Portugues ba arguido no mos esplikaun ne'e hetan tradus hosi tradutora Sra. Gizelda Guterres Mota ba Juiz Internasional no mos Procurador Internasional no Defensor publiku Internasional.

Iha akordaun ne'e Juiza Dra. Paula le'e no esplika faktus no provas sira ne'ebe provadu mak tuir mai ne'e :

**Fundamentasaun sentensa**

Fundamentu sentensa nebe konsidera hanesan provas nomos deklarasaun nebe hato'o iha prosesu, Tribunal fo valor no konsidera hanesan :

- Deklarasaun arguido diferente ho realidade nomos diferente ho deklarasaun testamunha no vitima;
- Arguido nu'udar vitima nia padrao;
- Arguido hatene vitima tinan sei ki'ik (tinan 10);
- Arguido halakon provas balu;
- Arguido halo ameasa ba vitima;
- Arguido la arepende nia sala;
- Arguido foin primeiro ves komete krime;
- Vitima hetan presan psikologia ba nia moris.

## **SENTENSA.**

Hosi faktus no provas provadus, juiz panel konkorda katak arguido kontra duni artigu 285 Kodigu Penal Indonesia ne'ebe aplikabel ho tipu do krimi Violensia Seksual, Tuir artigu ne'e kastigu maksimu tinan 12. Maibe arguido hetan kastigu tinan 9 (sia) tamba bazeia ba artigu 282 Kodigu Prosesu Penal Tribunal tetu faktus nomos hahalok nebe foin primeira vez arguido halo, no mos arguido la hetan responsabilidade ba kustus ho enkargu prosesual tuir artigu 358 Kodigu Prosesu Penal tamba fator ekonomia.

**Women's Justice Unit JSMP** senti kontenti ba akordaun husi Juiz panel ba kazu ne'ebe arguido hetan kastigu tinan 9 (sia), WJU konsidera mos katak sentensa ne'e justu ba parte hotu-hotu.

Tribunal aplika duni lei ne'e ho diak ba kazu ne'e, prosesu ne'e fo garante ba arguido nomos vitima, konsidera provas nomos tetu deklarasaun husi testamunha, exame mediku, nomos presaan psikologia.

Kazu ne'e kategoria mos ba hahalok violensia domestika, tamba vitima ho arguidu sei iha relasaun familia (padrastu).

Espera katak iha futuru Timor Leste sei aprova lei violensia domestika, atu nune'e bele prevene violensia nomos halakon violensia. Lei ne'e mos bele asegura nomos fo protesaun diak ba vitima violensia domestika.

Sentensa husi Tribunal justa nomos sufisiente atu bele reestabelese vitima nian dignidade hanesan humana, iha possibilidade tratamento do trauma psikologiku, rekonhese vitima nian sofrimento/terus sei ba tempu naruk.